

Cant. 1. lunae pars cornibus includitur, o Kêçava, qui apri formam induisti, euoe, Hares, mundi domine.

8. In pulcerrima manus tuae nymphaea unguis est acuminis mirifici, quo corpus Hiranyakâcipuis dilacerabatur, tanquam ap³is, o Kêçava, qui Androleontis formam induisti, euoe, Hares, domine mundi. 4

9. Incedendo circumvenisti, o mirifice ^{naney} Balim, humore pedibus unguibusque defluxo hominum purificationem generans, o Kêçava, qui Nani formam induisti, euoe, Hares, domine mundi. 5

10. Crimina mundi abluisti, tanquam aqua lustrali, sanguine bellatorum, ^{vāvos} peccatisque liberum eum fecisti, sedato existentiae cruciatu, o Kêçava, qui formam principis Bhriguidarum induisti, euoe, Hares, domine mundi. 6

11. Pugnando perfecisti, immolatis Decemcipitis capitibus, in quavis mundi regione sacrificium acceptissimum, plagarum tutoribus iucundum, o Kêçava, qui Râmae formam induisti, euoe, Hares, domine mundi. 7

12. Gessisti in corpore splendido amiculum nubi simile, Yamunae aratrum percutiens expavescentis atque in se revolventis speciem referens, o Kêçava, qui formam induisti Haladharae (Aratrigeri), euoe, Hares, domine mundi. 8

13. Contempsisti, eheu, summam rituum sacrificialium, in Vedis constitutorum, animalium immolationem misericordi animo conspiciendam curans, o Kêçava, qui, Buddhae formam induisti, euoe, Hares, domine mundi. 9

14. ^{interesting!} ^{vgl Kern's Buddhismus (Jaskoby) T, 561 xx} Gladium gestabis in excidio catervarum barbaricarum maxime terribilem, instar stellae cincinnatae, o Kêçava, formam induens Kalkis, euoe, Hares, mundi domine. 10

15. Audi Jayadêvae, pii vatis, carmen hocce nobile, quod felicitatem et salutem affert, existentiamque beat, o Kêçava, decemplicatam induens formam, euoe Hares, mundi domine. 10 f

16. Vedarum sospitatori, mundi sustentatori, globi terrestris vectori, Daityae direptori, Balis circumventori, bellatorum extirpatori, Pulastyidae victori, aratri gestatori, misericordiae propagatori, barbarorum fascinatori, denas formas alternanti, tibi, o Krishna, sit salutatio. ^{5a 10}

Cant. 2. Globulis mammarum Kamalae recumbens, inauribus ornate, eu, venustis 17. agrestibus sertis coronate, euoe, euoe, deus Hares.

18. Disco iubaris diurni refulgens, mundanae aerumnae extinc^{tor}, eu, piorum menti insidens, lacui Mânasae tanquam olor, euoe, euoe, deus Hares.

19. Destructor Kaliyae, venenosi serpentis, hominum exhilaratio, eu, Yaduïdarum gentem illustrans, ut sol nymphaeas, euoe, euoe, deus Hares.